

Քիւ 27167
Փետրուար 7, 1981

Նորին Սուրբ Օծութիւն
Տէր Տէր Վազգէն Առաջին
Սրբազնագոյն Կաթողիկոս Ամենայն Հայոց
Մայր Աթոռ Սուրբ Էջմիածին.

Վեհափառ Տէր,

Պինկհամթըն նիւ Եորթի Ս. Գրիգոր Լուսաւորիչ Եկեղեցւոյ
օժման 50-ամեակը վայել շուքով պիտի նշուի ներկայ տարուան
ընթացքին:

Եկեղեցւոյ Հոգեւոր Հովիւն ու ծիսական Խորհուրդը խնդրանք
ներկայացուցած են դիմելու Ձերդ Սրբութեան որ բարի ըլլաք այս
պատմական օրուան առթիւ Հայրապետական Կոնդակ մը շնորհել:

Շնորհակալ պիտի ըլլանք եթէ բարեհաճիք ընթացք տալ ներ-
կայացուած խնդրանքին եւ մինչեւ Մարտ ամսուան վերջը մեզի
դրկել Ձերդ Վեհափառութեան սրբատառ Կոնդակը:

Հաճեցէք ներփակ գտնել 1949 թուականին հրատարակուած Պինկ-
համթընի Ս. Գրիգոր Լուսաւորիչ Եկեղեցւոյ պատմականը:

Ներկայիս համայնքը աւելի կազմակերպուած է: Ունի իր Հո-
գեւոր Հովիւր, դպրաց դասը, Հայ Դպրոցը, Կիրակնօրեայ Վարժա-
րանը, Հայց. Եկեղեցւոյ Երիտասարդաց Կազմակերպութիւնը եւ Տիկ-
նանց Միութիւնը:

Մատչիմք ի համբոյր Վեհիդ Օծեալ Աջոյն
Խոնարհաբար

ԹՈՐԳՈՄ ԱՐՔԵՊԻՍԿՈՊՈՍ
Առաջնորդ

Ս. ԳՐ. ԼՈՒՍԱՒՈՐԻԶ ԵԿԵՂԵՑԻ, ՊԻՆԿՆԻՍԹՆ

Նիւ Եորք նահանգի փոքր բաղաբնիկն մէկն է Պինկնիսթըն, որ կը գտնուի Փէնսիլվանիա նահանգի սահմանին մոտերը, Նիւ Եորք բաղաբնի 175 մղոն հիւսիս-արեւմուտք: Ունի 100,000 բնակիչ՝ սրնոցմէ միայն 300-ը՝ Հայ: Քաղաքը նշանաւոր է կոչիկի, դեղերու եւ լուսանկարչական գործիքներու արտադրութեամբ:

Պինկնիսթըն հաստատուող առաջին Հայը կը նկատուի Կ. Կէրք-մէնեան անունը գորղալուծառ մը: 1912-ին եղած է առաջին փորձը՝ տեղւոյն Հայերը իբր համայնք կազմակերպելու: Առաջին անգամ գործօն դեր ստանձնող հաղաբարձութիւնը կազմուած է 1923-ին: Ներկայիս Պինկնիսթընի 300 Հայերը ներկայացնող ընտանիքները եկած են Հաճընէն, Սերաստիայէն ու Թարբերդէն զլիսաւորարար: Կան մի քանի Քէսապցիներ: Կը զբաղին ընդհանրապէս իբր աշխատաւոր կոչիկի գործարաններուն մէջ, եւ հազուաւ մաքրելու գործին մէջ:

Իբր հասարակական կազմակերպութիւն, առաջինը եղած է Հ. Բ. Ը. Մ. ի մասնաճիւղը, որ հիմնուած է 1913-ին:

1924-ին կազմուած է Եկեղեցասէր Տիկնոնց Միութիւնը, որ չարդ կը շարունակուի: Ունի 75 սուրբ տարեկան եկամուտ: Կը սարքէ թէյասեղաններ եւ նման ընկերային հաւաքոյթներ:

Եկեղեցասէր տիկնիներու զըր-դումով է որ փոքրաթիւ այս գաղութին խումբ մը ազգայիններ սեփական եկեղեցի մը ունենալու գործին կը ձեռնարկեն: Տեարք Ք. Քէչոյեան, Մ. Պաղտասարեան, Լ. Ֆրէնկիլիւեան, Հ. Բարունակեան, Ա. Գրաբեան, Կ. Սվաբեան եւ Կ. Նախարեան կ'ըլլան գործի լծուողները, եւ ամբողջ գաղութին մասնակցութիւնը ապահովելով կը յոյսցնեն անհրաժեշտ դրամը ու 1928-ին ծախու կ'տաննն եկեղեցւոյ շէնք մը, 6300 տուրքի: Նորոգութեան ու հայկական ձեւի վերածելու համար կը ծախսեն 3500 տուրք:

Գեղեցիկ այս եկեղեցիին օծումը կը կատարուի 1930 Ապրիլ 6-ին՝ ձեռամբ նախկին առաջնորդ Գեոր. Տ. Տիրայր Արքեպիսկ. ի, որ զայն կը կոչէ Ս. Գր. Լուսաւորիչ: Օծման կը մասնակցի նաեւ Տ. Յարութիւն Քիւնյ. Թումայեան, որ կը լինի եկեղեցւոյն առաջին հովիւը, ութ ամիս պաշտօնավարելով: Օծման առ-

թիւ եկեղեցւոյ կնքահայր լինելու պատիւն ու պատասխանատուութիւնը կը մեծակի Տիրար Վ. Ասլանեանի: Շէնքը, սրուն երկայնքն է 85 սաք ու լայնքը 35, կրնայ նստարան ապահովել 250 հաւատացեալի: Ներկայ զինեցով կ'արժէ 12,000 տուրք: